

## Der. III. Tractat von buwen vnd Fridlicher bywonung der burger/ schafft/hat vnder jm drey Tittel.

### Der erst Tittel von buwen.



### Jewol sich vil vnd

mencherley irtung vnd spenn in diser Statt  
Fryburg Begeben der gebüwen halb zc. So  
wollen wir doch diewil dieselbe hendel meren  
teils den oungeschin erfordern/yczt in diser  
vnsern sartzungen nichts davon ordnen/and  
ders dan/wie hernach volget/sonder dieselbe  
zu fallenden sache/in gebüwen auch anderer  
notwendikeit/von süßüg der gassen/bächē/  
vnd in anderweg/vns vnsern burw vnd holzmeister zu zyt en wesende/  
ju allweg vorbehalten vnd ange dingt haben/darzu zu ordnen zu erkem  
nen vnd vffzusezen/wie vns vnd dieselben vnser burw vnd holzmeister  
yezuziten beducht not vnd gut sin/Vnd in sonderheit so wollen wir ouch  
dasz gesezt vnd gecordnet haben/das dieselben vnser burwmeister/holz  
meister vnd marcker/irer amppter halb/sunst ne bent disen statuten/by al  
len andern handlung buchen vnd gewonheiten bliben sollē/wie von al  
terharkomen ist/vnd alles das so dieselben vnser burwmeister holzmeister  
marcker vñ ander ampplie vñ vnserm beuelch in irn ampptern zu nutz vñ  
gutem gemainer Statt Fryburg ansehen handeln thün vnd lassen/dem  
selben sol von mengklichem gestracks gelebt vnd nachkommen werden/  
dann welcher sich dawider setzen/dise oder ander vnser ampplie an irem  
fürnemen vnderstünd zu hindern/zü schmechen oder abzüttriben/die wer  
den wir nach gelegenheit der sache hoch vñ hart straffen/darnach sol sich  
mengklich wissen zu richten.

### Wie es mit den buwfelligē

hüßern gehalten sol werden.

Item wir setzen vnd ordnen/welcher inwoner in vnser Statt buwfel  
lige hüßer hat/da vnser burwmeister mit ir eckantmuß sprechen vnd erkle  
ren/das die buwfellig syent/so sollē die burwmeister/dem inhaber derselbe  
hüßer verkünden/das sy die in einer zumblichen zyt buwen/geschicht das